



Broj: 13-11-4-6916/24

Datum: 7.10.2024. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke „Revizija investiciono-tehničke dokumentacije“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-6916/24 od 21.08.2024. godine.

Procijenjena vrijednost javne nabavke sa PDV-om je: 20.000,00 KM (slovima: dvadesethiljada i 00/100 konvertibilnih maraka).

Obavještenje o javnoj nabavci broj 935-1-2-175-3-262/24 objavljeno je na Portalu javnih nabavki dana 10.09.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 01.10.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	HKP CONSULTING d.o.o. Banja Luka	18.954,00 KM
2.	RADIS d.o.o. Istočno Sarajevo	11.934,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponudu ponuđača HKP CONSULTING d.o.o. Banja Luka Komisija je ocijenila kao **nepravilnu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su ovjerene kopije diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i uvjerenja o položenom stručnom ispitu iz navedenih oblasti za imenovana lica.

Ponuđač HKP CONSULTING d.o.o. Banja Luka je u sklopu svoje ponude za diplomiranog inženjera geologije Gojka Savića dostavio diplomu izdatu od strane Univerziteta u Beogradu dana 28.03.2013. godine. Tenderskom dokumentacijom je propisano da je obavezna dostava nostrificirane diplome ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine.

Ponuđač u sklopu svoje ponude nije dostavio nostrifikaciju navedene diplome, te iz naprijed navedenih razloga, ponuda ponuđača HKP CONSULTING d.o.o. Banja Luka se nije mogla uzeti u dalje razmatranje.

Ponudu ponuđača RADIS d.o.o. Istočno Sarajevo Komisija je ocijenila kao **nepravilnu** iz sljedećih razloga:

Tenderskom dokumentacijom u tački 7.4.1. b) kao dokaz ispunjavanja uslova tehničke i profesionalne sposobnosti ponuđača zahtijevane su ovjerene kopije diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) i uvjerenja o položenom stručnom ispitu iz navedenih oblasti za imenovana lica.

Ponuđač RADIS d.o.o. Istočno Sarajevo je u sklopu svoje ponude za diplomiranog inženjera građevine, Stojana Milutinovića dostavio diplomu izdatu od strane Univerziteta u Novom Sadu dana 18.05.2005. godine. Tenderskom dokumentacijom je propisano da je obavezna dostava nostrificirane diplome ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine.

Ponuđač u sklopu svoje ponude nije dostavio nostrifikaciju navedene diplome, iako je isto jasno zahtijevano tenderskom dokumentacijom.

Nadalje, ponuđač RADIS d.o.o. Istočno Sarajevo je u sklopu svoje ponude za diplomiranog inženjera građevine Stojana Milutinovića dostavio uvjerenje o položenom stručnom ispitu iz struke građevinarstva, smjer građevinski, odsjek organizacija građenja i nadzor.

Tenderskom dokumentacijom je propisano da je obavezna dostava uvjerenja o položenom stručnom ispitu iz navedenih oblasti za imenovana lica. Za navedenu fazu projekta – geotehnika traženo je uvjerenje o položenom stručnom ispitu iz građevine – smjer geotehnika.

Ponuđač u sklopu svoje ponude nije dostavio uvjerenje o položenom stručnom ispitu iz građevine – smjer geotehnika za navedeno lice.

Također, ponuđač RADIS d.o.o. Istočno Sarajevo je u sklopu svoje ponude za diplomiranog inženjera građevine Jasminku Topić dostavio uvjerenje o položenom stručnom ispitu iz struke građevinarstva, smjer građevinski, odsjek organizacija građenja i nadzor gradilišta.

Tenderskom dokumentacijom je propisano da je obavezna dostava uvjerenja o položenom stručnom ispitu iz navedenih oblasti za imenovana lica. Za navedenu fazu projekta – konstrukcija traženo je uvjerenje o položenom stručnom ispitu iz građevine – smjer konstrukcija.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Ponuđač u sklopu svoje ponude nije dostavio uvjerenje o položenom stručnom ispitu iz građevine – smjer konstrukcija za navedeno lice.

Iz naprijed navedenih razloga, ponuda ponuđača RADIS d.o.o. Istočno Sarajevo se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskom načelniku da u skladu sa odredbama člana 69. stav (2) tačka c) Zakona o javnim nabavkama, jer nije dostavljen broj ponuda određen u članu 32. stav (4) ovog zakona, te u skladu sa odredbama člana 69. stav (2) tačka d) Zakona o javnim nabavkama, jer nijedna od primljenih ponuda nije prihvatljiva, donese Odluku o poništenju postupka javne nabavke.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka a) Zakona o javnim nabavkama, a u vezi sa sa odredbama člana 69. stav (2) tačka c) i člana člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:


Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107.

Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

- HKP CONSULTING d.o.o. Banja Luka
- RADIS d.o.o. Istočno Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



